

ქალაქი ქუთაისი
ერთის მხრივ,

ქალაქ ქუთაისის მუნიციპალიტეტის მერია

წარმოდგენილი ქალაქ ქუთაისის მუნიციპალიტეტის მერის მოადგილის, მერის მოვალეობის შემსრულებლის,
იუზა უგულავას სახით,

მის: ქ. ქუთაისი, რუსთაველის გამზ. №3

საიდენტიფიკაციო ნომერი: №212721170

ვებ გვერდი: www.kutaisi.gov.ge

ხაზინის ერთიანი ანგარიში: TRESGE22

ანგარიშის ნომერი: №300 180 000

(შემდგომში შემსყიდველი)

და მეორეს მხრივ,

შ.პ.ს „ტრანსპორტერი“

წარმოდგენილი შ.პ.ს „ტრანსპორტერის“ დირექტორის, ნუგზარ ჩიქოვანის სახით,

მისამართი: ქ. ქუთაისი, ლადო ასათიანის ქ. N 119 ბ. 3

საიდენტიფიკაციო ნომერი: №412723183

ტელეფონის ნომერი: +995 591-72-44-22

ელექტრონული ფოსტა: doqtor2014@gmail.com

საბანკო რეკვიზიტი: ს.ს „საქართველოს ბანკი“

ბანკის კოდი: BAGAGE22

ანგარიშსწორების ანგარიში: №GE19BG0000000131367665

(შემდგომში მიმწოდებელი)

სახელმწიფო შესყიდვების შესახებ კანონის და პრეტენდენტის, შ.პ.ს „ტრანსპორტერის“ სატენდერო წინადადების საფუძველზე, აუქციონის გარეშე ელექტრონული ტენდერის ჩატარების შედეგად დებენ წინამდებარე სახელმწიფო შესყიდვის შესახებ ხელშეკრულებას შემდეგზე:

1. გამოყენებული ტერმინების განმარტებები

ხელშეკრულებაში გამოყენებულ ტერმინებს აქვთ შემდეგი მნიშვნელობა:

1.1 „ხელშეკრულება სახელმწიფო შესყიდვის შესახებ“ (შემდგომ – „ხელშეკრულება“) – შემსყიდველ ორგანიზაციასა და ტენდერში გამარჯვებულ პრეტენდენტს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და დამატებებით და ასევე მთელი დოკუმენტაციით, რომლებზეც ხელშეკრულებაში არის მინიშნებები.

1.2 „ხელშეკრულების ღირებულება“ ნიშნავს საერთო თანხას, რომელიც უნდა გადაიხადოს შემსყიდველმა ორგანიზაციას (დაწესებულებას), ორგანიზაციამ მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის;

1.3 „შემსყიდველი ორგანიზაცია“ (შემდგომ „შემსყიდველი“) ნიშნავს რომელიც ახორციელებს შესყიდვას;

1.4 „მიმწოდებელი“ ნიშნავს პირს, რომელმაც გაიმარჯვა ტენდერში და ახორციელებს მომსახურების გაწევას სახელმწიფო შესყიდვის შესახებ მოცემული ხელშეკრულების ფარგლებში;

1.5 „დღე“, „კვირა“, „თვე“ ნიშნავს კალენდარულ დღეს, კვირას, თვეს;

1.6 „მომსახურება“ – ხელშეკრულების მე-2 მუხლით გათვალისწინებული ხელშეკრულების საგანი;

1.7 „ტექნიკური დოკუმენტაცია“ – მიმწოდებლის მიერ აუქციონის გარეშე ელექტრონულ ტენდერში სატენდერო წინადადებით წარმოდგენილი ტექნიკური დოკუმენტაცია, რომელიც ერთვის ხელშეკრულებას, როგორც მისი განუყოფელი ნაწილი.

2. ხელშეკრულების ობიექტი და კლასიფიკატორის კოდი

2.1 ქალაქ ქუთაისის მუნიციპალიტეტის მერიის მიერ სხვადასხვა ღონისძიებებისათვის მიკროავტობუსითა და ავტობუსით სატრანსპორტო მომსახურება.

2.2 ხელშეკრულებით გათვალისწინებული მომსახურების აღწერა მოცემულია ტექნიკურ დოკუმენტაციაში (ფასების ცხრილი წარმოადგენს ხელშეკრულების განუყოფელ ნაწილს).

2.3 კლასიფიკატორის კოდი – 60100000.

3. ხელშეკრულების ღირებულება

3.1 ხელშეკრულების ღირებულება შეადგენს 22500 (ოცდაორი ათას ხუთასი) ლარს, საქართველოს კანონმდებლობით გათვალისწინებული გადასახადების ჩათვლით.

4. ხელშეკრულების შესრულების კონტროლი

4.1 ხელშეკრულებით გათვალისწინებული პირობების შესრულების კონტროლი განხორციელდება ქალაქ ქუთაისის

მუნიციპალიტეტის მერიის შესაბამისი უფლებამოსილი სტრუქტურული ერთეულის მიერ.

4.2 „მიმწოდებელი“ ვალდებულია საკუთარი რესურსებით უზრუნველყოს „შემსყიდველი“, კონტროლის ჩატარებისათვის აუცილებელი პერსონალით, ტექნიკური საშუალებებითა და სხვა სამუშაო პირობებით. იმ შემთხვევაში, თუ „შემსყიდველი“ კონტროლის მიზნით გამოიყენებს საკუთარ ან მოწვეულ პერსონალს, მის შრომის ანაზღაურებას უზრუნველყოფს თვით „შემსყიდველი“.

4.3 შემოწმების შედეგად გამოვლენილი ნებისმიერი ნაკლის ან დეფექტის შესახებ „შემსყიდველი“ დაუყოვნებლივ სიტყვიერად, შემდეგ კი წერილობით აცნობებს „მიმწოდებელს“ დაწუნებული მომსახურების ნაწილს წუნდების მიზეზების მითითებით.

4.4 „მიმწოდებელი“ ვალდებულია საკუთარი ხარჯებით უზრუნველყოს კონტროლის შედეგად გამოვლენილი ყველა დეფექტის ან ნაკლის აღმოფხვრა.

5. მომსახურების მიწოდების პირობები და ვადები

5.1 „მიმწოდებელი“ ვალდებულია განახორციელოს ქალაქ ქუთაისის მუნიციპალიტეტის მერიის მიერ სხვადასხვა ღონისძიებებისათვის მიკროავტობუსითა და ავტობუსით სატრანსპორტო მომსახურება, ხელშეკრულების დადებიდან 2019 წლის 31 დეკემბრის ჩათვლით.

5.2. „მიმწოდებელს“ ინფორმაციას მომსახურების საჭიროებაზე „შემსყიდველი“ მიაწვდის ერთი დღით ადრე.

5.3. ავტობუს(ებ)ი და მიკროავტობუს(ებ)ი აღჭურვილი უნდა იყოს მაღალი და რბილი სავარძლებით, გათბობით, კონდიციონერის სისტემითა და ტელევიზორით. მიკროავტობუსის (ე.წ. მინივენის) ტევადობა უნდა იყოს არანაკლებ 7 ადამიანი; მიკროავტობუსის ტევადობა უნდა იყოს არანაკლებ 18 ადამიანი და ავტობუსის ტევადობა არანაკლებ 45 ადამიანი.

5.4. წვის სისტემა: ქარხნული;

5.4.1. სატრანსპორტო საშუალებას უნდა ჰქონეს გზისათვის ვარგისობაზე ტესტირების ფირნიში საქართველოს მოქმედი კანონმდებლობით დადგენილი წესით;

5.4.1.2. მომსახურების გაწევის პროცესში ავტოსატრანსპორტო საშუალება უნდა იყოს ტექნიკურად გამართულ და სუფთა მდგომარეობაში;

5.5. პასუხისმგებლობა სატრანსპორტო საშუალების ტექნიკური გამართულობის შესახებ ეკისრება „მიმწოდებელს“.

5.5.1. პრეტენდენტს უნდა გააჩნდეს ავტოსატრანსპორტო საშუალებების რესურსი. იმ შემთხვევაში, თუ მგზავრობის დროს ტრანსპორტი გამოვა მწყობრიდან პრეტენდენტმა უნდა უზრუნველყოს მწყობრიდან გამოსული ტრანსპორტის ჩანაცვლება სხვა გამართული ტრანსპორტით ისე, რომ არ შეფერხდეს დაგეგმილი მომსახურება.

5.6. „მიმწოდებელმა“ უნდა უზრუნველყოს ტრანსპორტით მომსახურება ფასების ცხრილით განსაზღვრული კილომეტრაჟის შესაბამისად, შემსყიდველის დაკვეთის საფუძველზე. ტრანსპორტირების ათვლის წერტილად ჩაითვლება შემსყიდველის მიერ მითითებული ადგილი, საიდანაც უნდა დაიწყოს ტრანსპორტით მომსახურება და დასრულდება დანიშნულების პუნქტთან (მაგალითად: თუ შემსყიდველი ითხოვს მომსახურებას ქ. თბილისიდან ქ. ქუთაისამდე ან პირიქით და ქალაქ ბათუმიდან ქ. ქუთაისამდე ან პირიქით, იანგარიშება ტრანსპორტირების მხოლოდ ერთი გზა ანუ თბილისი-ქუთაისი, ბათუმი-ქუთაისი და ქუთაისი-თბილისი, ქუთაისი-ბათუმი). დანარჩენი მარშრუტების კილომეტრაჟი დაანგარიშდება ქალაქ ქუთაისიდან-დანიშნულების ადგილამდე და უკან.

5.7. პრეტენდენტს მომსახურების გაწევისათვის მფლობელობაში უნდა ყავდეს საჭირო სატრანსპორტო საშუალებები (მინიმუმ 2 ავტობუსი; მინიმუმ 2 მიკროავტობუსი (ტევადობით არანაკლებ 18 ადამიანი) და მინიმუმ 2 მიკროავტობუსი (ე.წ. მინივენი, ტევადობით არანაკლებ 7 ადამიანი).

5.8. შემსყიდველმა ერთ ჯერზე, ერთდროულად შესაძლებელია მოითხოვოს ორზე მეტი ავტობუსით/ ან/მიკროავტობუსით(ტევადობით არანაკლებ 18 ადამიანი)/ან მიკროავტობუსით (ტევადობით არანაკლებ 7 ადამიანი) მომსახურების გაწევა. ასეთი მომსახურების საჭიროებაზე „შემსყიდველი“ „მიმწოდებელს“ ინფორმაციას მიაწვდის სამი დღით ადრე.

6. შესყიდვის ობიექტის მიღება-ჩაბარების წესი

6.1 „შემსყიდველი“ შესყიდვის ობიექტს მიიღებს ეტაპობრივად, ფაქტიურად გაწეული მომსახურების შესაბამისად.

6.2 „შემსყიდველი“-ს მიერ გაწეული მომსახურება მიღებულად ჩაითვლება, საბოლოო მიღება-ჩაბარების აქტის დადასტურების შემდეგ.

6.3 მიღება – ჩაბარების აქტში მითითებული უნდა იყოს: მომსახურების დასახელება, რაოდენობა (კმ) და ღირებულება.

6.4 ტრანსპორტირების კილომეტრაჟისა და თანხის დაანგარიშება მოხდება მიღება-ჩაბარების აქტის საფუძველზე, სადაც მინიშნებული უნდა იყოს ოდომეტრის როგორც საწყისი, ასევე საბოლოო ჩვენებები.

6.5 ფასების ცხრილში მოცემული მომსახურება შესაძლებელია სრულად არ შეისყიდოს „შემსყიდველმა“ და ანგარიშსწორება განხორციელდება ფაქტიურად გაწეული მომსახურების შესაბამისად, ერთეულის ღირებულების შეუცვლელად.

6.6 ფაქტიურად შესყიდვის ობიექტის მიღების დამტკიცებას ქალაქ ქუთაისის მუნიციპალიტეტის მერიის შესაბამისი უფლებამოსილი სტრუქტურული ერთეულის დადასტურების საფუძველზე ახორციელებს ქალაქ ქუთაისის მუნიციპალიტეტის მერი.

7. ანგარიშსწორება

7.1 ანგარიშსწორება განხორციელდება ეტაპობრივად, „მიმწოდებელი“-ს წერილობითი მომართვის საფუძველზე, რომელსაც უნდა დაერთოს:

ა) ფაქტიურად გაწეული მომსახურების დასახელება და ღირებულება;

ბ) მიღება-ჩაბარების აქტი.

7.2 ანგარიშსწორების ფორმა იქნება უნაღდო, (გადარიცხვა) ლარებში.

7.3 ტრანსპორტირების ათვისების წერტილად ჩაითვლება შემსყიდველის მიერ მითითებული ადგილი, საიდანაც უნდა დაიწყოს ტრანსპორტით მომსახურება და დასრულებული დასრულებების პუნქტთან (მაგალითად: თუ შემსყიდველი ითხოვს მომსახურებას ქ. თბილისიდან ქ. ქუთაისამდე ან პირიქით და ქალაქ ბათუმიდან ქ. ქუთაისამდე ან პირიქით, იანგარიშება ტრანსპორტირების მხოლოდ ერთი გზა ანუ თბილისი-ქუთაისი, ბათუმი-ქუთაისი და ქუთაისი- თბილისი, ქუთაისი-ბათუმი). დანარჩენი მარშრუტების კილომეტრაჟი დაანგარიშდება და ანაზღაურდება ქალაქ ქუთაისიდან-ქუთაისი-ბათუმი). დანარჩენი მარშრუტების კილომეტრაჟი დაანგარიშდება და ანაზღაურდება ქალაქ ქუთაისიდან-ქუთაისი-ბათუმი).

7.4 ანგარიშსწორება განხორციელდება ეტაპობრივად, ფაქტიურად გაწეული მომსახურების შესაბამისად, დამადასტურებელი დოკუმენტაციის წარმოდგენიდან არაუგვიანეს 10 (ათი) სამუშაო დღის განმავლობაში.

8. ხელშეკრულებაში ცვლილების შეტანა

8.1 ხელშეკრულების დამდებ არც ერთ მხარეს არა აქვს უფლება შეიტანოს ცვლილებები მეორე მხარესთან შეთანხმების გარეშე.

8.2 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია არა უგვიანეს 3 (სამი) სამუშაო დღისა (ხელშეკრულებით გათვალისწინებული მომსახურების გაწევის ვადის გასვლამდე) წერილობით შეატყობინოს მეორე მხარეს შესაბამისი ინფორმაცია.

8.3 ხელშეკრულების პირობების შეცვლა დაუშვებელია, თუ ამ ცვლილების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები „შემსყიდველი“ ორგანიზაციისათვის, გარდა საქართველოს სამოქალაქო კოდექსის 398-ე მუხლით დადგენილი შემთხვევებისა.

8.4 საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში დაუშვებელია ხელშეკრულების ჯამური ღირებულების 10%-ზე მეტი ოდენობით გაზრდა.

8.5 ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

9. ხელშეკრულების შესრულების შეფერხება

9.1 თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყონებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ რაც შეიძლება მოკლე დროში უნდა აცნობოს მეორე მხარეს თავისი გადაწყვეტილება, მიღებულ აღნიშნულ გარემოებებთან დაკავშირებით.

9.2 იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილების შეტანის გზით.

10. მხარეთა უფლება-მოვალეობები

10.1 „შემსყიდველი“ უფლებამოსილია ხელშეკრულების მოქმედების ვადის დასრულებამდე ნებისმიერ დროს მოითხოვოს „მიმწოდებლისგან“ მისთვის საჭირო ინფორმაცია

10.2 „შემსყიდველი“ ვალდებულია უზრუნველყოს „მიმწოდებლის“ მიერ გაწეული მომსახურების ანაზღაურება ხელშეკრულებით გათვალისწინებული ვადების და პირობების დაცვით.

10.3 „მიმწოდებელი“ უფლებამოსილია მოითხოვოს შემსყიდველს გაწეული მომსახურების ღირებულების ანაზღაურება ხელშეკრულებით გათვალისწინებული ვადებისა და პირობების დაცვით.

10.4 „მიმწოდებელი“ ვალდებულია დროულად და კეთილსინდისიერად შეასრულოს ხელშეკრულებით ნაკისრი ვალდებულებები.

11. ხელშეკრულების პირობების შეუსრულებლობა, ხელშეკრულების შეწყვეტა

(საჯარიმო სანქციები, ფორმა, ოდენობა)

11.1 ხელშეკრულების დამდები ერთ-ერთი მხარის მიერ ხელშეკრულების პირობების შეუსრულებლობის შემთხვევაში მეორე მხარეს შეუძლია მიიღოს გადაწყვეტილება ხელშეკრულების სრული ან მისი ცალკეული ნაწილის მოქმედების შეწყვეტის შესახებ.

11.2 ხელშეკრულების დამდები მხარე, რომელიც მიიღებს ასეთ გადაწყვეტილებას ვალდებულია შეატყობინოს მეორე მხარეს მიღებული გადაწყვეტილება, მისი მიღების საფუძველი და ამოქმედების თარიღი. აღნიშნული შეტყობინება უნდა მიეწოდოს მეორე მხარეს დაუყოვნებლივ, გადაწყვეტილების ძალაში შესვლამდე.

11.3 ხელშეკრულებით ნაკისრი ვალდებულებების შეუსრულებლობის ან არაჯეროვნად შესრულების (გარდა შესრულების ვადის დარღვევისა) შემთხვევაში მიმწოდებელს დაეკისრება ჯარიმის გადახდა ყოველ ჯერზე ხელშეკრულების ღირებულების 0,2%-ის ოდენობით.

11.4 ხელშეკრულებით ნაკისრი ვალდებულებების შესრულების ვადის გადაცილებისათვის მიმწოდებელს დაეკისრება პირგასამტეხლოს გადახდა ყოველ ვადაგადაცილებულ დღეზე ხელშეკრულების ღირებულების 0,1%-ის ოდენობით.

11.5 იმ შემთხვევაში, თუ ხელშეკრულების 11.3 და 11.4 პუნქტებით გათვალისწინებული პირგასამტეხლოს ოდენობა ჯამში მიაღწევს მთლიანი სახელშეკრულებო ღირებულების 3%-ს, „შემსყიდველს“ უფლება აქვს ცალმხრივად შეწყვიტოს ხელშეკრულება.

11.6 ხელშეკრულების (სრული ან ცალკეული ნაწილის) შეწყვეტის კანონით დადგენილი წესით დადასტურების შემთხვევაში, მხარე გადაიხდის პირგასამტეხლოს, სახელშეკრულებო თანხის 40% -ის ოდენობით.

11.7 ხელშეკრულების შეწყვეტა ურთიერთშეთანხმების საფუძველზე ხორციელდება მხარეთა შორის დანართის გაფორმების გზით.

11.8 ხელშეკრულების პირობების შეუსრულებლობისათვის, „მიმწოდებლის“ დაჯარიმების შემთხვევაში, შემსყიდველი იტოვებს უფლებას ფაქტიურად მიწოდებული საქონლის ასანაზღაურებელი თანხიდან, საჯარიმო სანქციების თანხა პირდაპირ გადარიცხოს არასაგადასახადო ანგარიშსწორების ერთიან ანგარიშზე სახელმწიფო ხაზინაში.

11.9 საჯარიმო სანქციის გადახდა არ ათავისუფლებს „მიმწოდებელს“ ძირითადი ვალდებულებების შესრულებისაგან.

12. დაუძლეველი ძალა

12.1 მხარეები თავისუფლდებიან ხელშეკრულებით განსაზღვრული ვალდებულებების შეუსრულებლობით გამოწვეულ პასუხისმგებლობისგან, თუ აღნიშნული გამოწვეულია დაუძლეველი ძალის ზეგავლენით. აღნიშნულის არსებობის შემთხვევაში, მხარე ვალდებულია აცნობოს მეორე მხარეს ნაკისრი ვალდებულებების შეუსრულებლობის შესახებ;

12.2 თუ ერთ-ერთი მხარე დაუძლეველი ძალის გამო ვერ ასრულებს ნაკისრ ვალდებულებებს, იგი ვალდებულია დაუყონებლივ, მაგრამ არაუგვიანეს მომდევნო კალენდარული დღისა აცნობოს მეორე მხარეს მათი დადგომის ან/და დასრულების შესახებ. წინააღმდეგ შემთხვევაში, შესაბამისი მხარე არ გათავისუფლდება ნაკისრი ვალდებულებებისაგან;

12.3 მხარეთა პასუხისმგებლობა და ვალდებულებები განახლდება დაუძლეველი ძალის მოქმედების დასრულებისთანავე.

13. სადავო საკითხების გადაწყვეტა

13.1 ხელშეკრულების მოქმედების პერიოდში წამოჭრილი ყველა დავა გადაიჭრება ურთიერთშეთანხმების გზით. შეთანხმების მიუღწევლობის შემთხვევაში, დავის გადასაწყვეტად მხარეები უფლებამოსილნი არიან მიმართონ სასამართლოს, საქართველოს მოქმედი კანონმდებლობის შესაბამისად.

14. შეტყობინება

14.1 ნებისმიერი შეტყობინება, რომელსაც ერთი მხარე, ხელშეკრულების შესაბამისად, უგზავნის მეორე მხარეს, გაიგზავნება წერილის სახით, წინამდებარე ხელშეკრულებაში მითითებული მეორე მხარის მისამართზე.

14.2 შეტყობინება შედის ძალაში ადრესატის მიერ მისი მიღების დღეს ან შეტყობინების ძალაში შესვლის დადგენილ დღეს, იმის მიხედვით, თუ ამ თარიღებიდან რომელი უფრო გვიან დგება.

15. ხელშეკრულების მოქმედების ვადა

15.1 წინამდებარე ხელშეკრულება ძალაში შედის ხელშეკრულების თავში მითითებული თარიღიდან და მოქმედებს 2020 წლის 31 იანვრის ჩათვლით.

15.2 საქართველოს კანონის „ელექტრონული დოკუმენტისა და ელექტრონული სანდო მომსახურების შესახებ“ თანახმად ელექტრონული დოკუმენტის გამოყენება შესაძლებელია ყველა შემთხვევაში, როდესაც მოითხოვება წერილობითი ფორმის მატერიალური დოკუმენტი, თუ კანონით სხვა რამ არ არის დადგენილი.

მხარეთა ხელმოწერები:

შემსყიდველი:

ქალაქ ქუთაისის მუნიციპალიტეტის მერის მოადგილე,

მერის მოვალეობის შემსრულებელი

იუზა უგულავა

მიმწოდებელი:

შ.პ.ს „ტრანსპორტერის“ დირექტორი

ნუგზარი ჩიქოვანი

ფასების ცხრილი					
№	მომსახურების დასახელება	ტექნიკური მახასიათებლები	რაოდენობა ა (კმ)	ერთეული ს ღირებულება (1 კმ-ზე) (ლარი)	საერთო ღირებულება (ლარი)
1.	ავტობუსით სატრანსპორტო მომსახურება	ავტობუსის (საქალაქთაშორისო, არანაკლებ 45 ადგილიანი კომფორტული, გამოშვების წელი: არანაკლებ 1995 წლისა, აღჭურვილი გათბობა/გაგრილების სისტემით, რეგულირებადი რბილი სავარძლებით, TV-მონიტორით და მიკროფონით აღჭურვილი, გამართულ მდგომარეობაში) სავარძლები უნდა იყოს ქარხნული წესით დამონტაჟებული და უნდა აკმაყოფილებდეს კონკრეტული მოდელისათვის არსებულ საპროექტულ მოთხოვნებს.	5,000	0.2	1000
2.	მიკროავტობუსით სატრანსპორტო მომსახურება	მიკროავტობუსის (საქალაქთაშორისო, არანაკლებ 18 ადგილიანი კომფორტული, გამოშვების წელი: არანაკლებ 2000 წლისა, აღჭურვილი გათბობა/კონდიციონერის სისტემით რეგულირებადი რბილი სავარძლებით, TV-მონიტორით და მიკროფონით აღჭურვილი, გამართულ მდგომარეობაში) სავარძლებს შორის დაცილება უნდა იყოს არანაკლებ 28 სმ, ხოლო მძღოლის სავარძელსა და მის უკან მდებარე პირველ სავარძელს შორის - არანაკლებ 35 სმ, როგორც შორის დაცილება - არანაკლებ 30 სმ	20,000	1.05	21000
3	მიკროავტობუსით ე.წ. "მინივენით" სატრანსპორტო მომსახურება	მიკროავტობუსის (საქალაქთაშორისო, არანაკლებ 7 ადგილიანი კომფორტული, გამოშვების წელი: არანაკლებ 2000 წლისა, აღჭურვილი გათბობა/კონდიციონერის სისტემით, რეგულირებადი რბილი სავარძლებით, ტექნიკურად გამართულ მდგომარეობაში)	5,000	0.1	500
სულ ჯამი					22500.00

შ.პ.ს "ტრანსპორტმომსახურება"
დირექტორი:

